

遜志齋集卷之七終

後學葉恭謹校

方正學先生遜志齋集卷之八

南京操江都御史嘉善丁賓

南京翰林院孔自仁和錢養庶

全校

南京鴻臚寺卿歸安錢圭亮

南京禮部司務仁和羅大冠

南京掌翰林院諭德孫如游訂正後

學

上完姚履旋參閱

十九世裔孫方永祥重刊

雜著

考祥文

孰為祥乎匪物由人子孝臣順父正君仁是之謂祥數者咸備雖星殞地裂不足以為殃苟失其道上下易職尊卑乖序雖芝生宮寢麟鳳在郊於祥何取世之人弗思求祥於物不知己之躬有祥攸出為善於家祥實基之不勉已而循物禍之所隨

戒妖文

人知物之妖而不知人之妖知人之妖而不知妖自己招山崩川竭雖爲可畏夔庸賢遁尤爲可懼牝晨羝乳人以爲異倫敗俗其禍尤著嗟乎今之人樂妖爲祥行如跣躡喜色揚揚哲夫旁觀股栗心掉彼謂無憂酣喜譁笑天縱汝爲妖吾則莫知苟自人興汝甯不思

誚伯牙文

世傳伯牙事陋矣張文潛爲賦哀之其辭信美而其義尤陋也余讀而鄙之爲文誚伯牙且正張子之陋其辭曰戰國之士好夸嗜毗恆詭實以求合不顧人之是非於斯時也求自重而違世者嗟吾舍子而稱誰然於子有憾焉蓋惜子爲藝也善而爲識也卑君子之學自得而已苟余中之有樂違恤

世之慍喜感子期之見知遂絕絃於旣死悲乎陋哉子之志也知子一人不知舉世使夫人能識子則何名爲絕藝俚歌巷語嬰孩啟齒惟其不知乃爲至貴子之不幸子期是值忘子之惡舉子之愛俾爾望於人也過深而得於天者不至子誠有以自適天地日月草木庶類舉目欣然皆識子意苟爲不得雖子期接踵譽言盈耳亦何預於吾子且夫全於天者不求合於人志乎遠者不取效於邇嗟伯牙乎爾曷不以萬物爲一身以太虛爲知己等毀譽於浮說而游心乎沖漠之鄉下迨乎無窮上泝乎無始以與無耳者聽無言者語奚爲栖栖焉隘狷而可鄙此藝之所以爲小技而子固不足與聞乎此也耶

弔茂陵文

祇明祀而言旋兮指槐里以西征停策憩於道旁兮觀高邕
之崢嶸卽故老而訊之兮惟漢武皇之茂陵整冠裳而疾趨
兮踏遺廟以屏營凄風起於叢棘兮颺颺嘯於幽坐慨雄心
之靡托兮悲曩志之無成惟君王之御極兮邁炎靈之方熾
陋堯禹爲未足遵兮卑祖武而弗肯繼內瘠民以自殖兮外
震威乎遐裔騁車轍於八荒兮候神人於海溢建千門與萬
戶兮殫土木之奢麗希軒轅之騰化兮永傲倪乎斯世何盛
業之易隳兮洪謨鬱而難宣雖暫弱於戎胡兮生民疲弊而
不痊奇禍機於巫蠱兮妃允丁毒而啣冤諒違心於屠滅兮
抑天道之致然關土疆之宏廓兮曾元宮之莫固赫兵革之
繁庶兮委守衛於葦露城闕之崇敞兮求斷礎而無所後宮
之韶冶兮僅或傳其塚墓像祈連以旒武兮想壯魄之已腐

嗚呼哀哉形必有盡兮孰不有亡匪君皇之獨然兮尙奚爲
隱憫而迴違惟祈生之已甚兮或妖誑而過望謂長年而卒
老死兮斯足垂戒於昏荒明固有所不達兮智固有所短偉
才畧之英邁兮哲與愚其相半賴表聖而黜邪兮兼善悔而
能斷雖人恫而財竭兮終克免乎危亂悼往者之無知兮尙
來者之可諫感盛衰之相襲兮仰昊天而永歎

顯天文

維洪武十四年歲在辛酉六月乙卯朔下土臣某謹稽首昧
死言維天生人厥質匪恆君之惟后淑之惟師匪后無以厚
生匪師無以惇理位有隆卑其任惟鈞天降疵民不靖乃生
越二紀茲甫受師后之功孰迪彝訓俾弗沉迷時惟臣師實
宣若皇命肇小大遐邇民咸若德蹈則庶邦底宵忠順徵嘉

不自引伐亦既致厥事心罔或弗念帝室肆仲子元孫顯被
寵命咸率履攸行弗越謂后惟天惟父惟天下烝民主曷敢
不祇順暨躬暨嗣人曷敢弗伏思錫繼忠孝於將來時飲歡
曰斯我后之德時逸燕息曰斯我后之惠遠臣耆艾童弱戴
后德允若臨視粟粟肫肫罔有違乎昭憲誠直篤宜聞於天
天曷不易謔乃裁降之大戾恫戕厥家播流於西邑耆臣黃
髮邦之寶龜灼知幾先邦之水火灼資民庸邦之粟帛民賴
以生今曷使匪辜踐艱荒民罔不大惻曰曷自遺者成人繼
自今民何鑒何式何賴以永存如父母罹凶災罔豫矧臣承
導愛德施宏章肇閔心隱痛若弗能生念凡民師猶
父母父母疾眚子籲祈於天天必閔應臣自茲始祇陳厥由
臣有壽年祿慶在天未逮臣身願輸弗享以延師之脩齡啟

帝心俾師克復故里建乃家弗墜庶海內民有仰邦國有
望臣死罔悔惟天鑒民誠誕敷休命匪臣蒙嘉徵將兆民是
賴臣聞曰民雖卑誠靡不格天天雖尊惟誠之從嗚呼皇天
其尚閔茲臣小子未有知惟天其惠綏休命

告風伯文

舟楫所資惟風與水二者皆得一日千里其或不然水戾風
違只尺莫進如受繫維今赴京師舍車從汴河決梁陳茫無
畔岸所冀清風送我於南風乃逆施不可以枕篙人臚工流
汗成雨白浪湧騰扣退軒舉歲當大比羣士畢來天府奉詔
俾擇其才時有常期勢不容後風苟尼之果誰之咎帝御九
州事天敬神凡爾百靈孰匪帝臣邦國大事在乎取士不能
體國亦神之恥咨爾風伯幸停怒威亟北其旋翼舟以飛三

日之閒達於畿甸我期不愆神亦罔怨百靈洋洋儼乎在前
豈吾之私帝命是虔

里社祈晴文

民之窮亦甚矣樹藝畜牧之所得將以厚其家而吏實奪之
既奪於吏不敢怨怒而庶幾償前之失者望今歲之有秋也
而神復罰之嘉穀垂熟被乎原隰淫雨暴風旬月繼作盡撲
而將之今雖已無可奈然遺粒委穗不當風水衝者猶有百
十之可冀神曷不亟訴於帝而遏之吏貪肆而昏冥視民之
窮而不恤民以其不足罪固莫之罪也神聰明而仁閱何乃
效吏之爲而不思拯且活之民雖蠢愚不能媚順於神然春
秋報謝以答神貺者苟歲之豐未嘗敢怠使其靡所得食則
神亦有不利焉天胡爲而不察之民之命懸於神非若吏之

暫而居忽而代者之不相屬也隱而不言民則有罪知而不
恤其可與否神尙決之敢告

告佑順侯文

古之人以守鄉邦爲榮者豈以父兄宗族親戚朋友之所在
一旦出人所不意傲然官府之上賞罰予奪千里之內爲之
榮哉吾生乎斯長乎斯飲食乎斯學問交游莫非斯郡之人
則知其風俗之盛衰究其民人之苦樂莫吾若也幸而得民
牧之寄除其所苦副其所樂革吾平日之所甚惡施吾平日
之所欲爲使一郡之民皆與被吾澤斯其所以爲榮也雖然
守之任有常歲人之禍福不齊有及終歲者焉有二歲者焉
百一之中或至於三年則又徙而他之矣雖欲盡其心智殫
其材力不可得也今君侯以康之人生雖不得守鄉郡沒

而爲神受帝明命合享廟食於數百里之內朝廷褒幽德祿
利功錫爵爲侯冕旒被裳秉桓圭坐乎殿堂之上鄉郡之長
老子弟奉幡弊具牲酒備樂歌拜跪裸伏乎階坻之下無間
深山窮谷望望而有之今二三百矣君侯之榮勝於守鄉
郡者豈不遠哉然榮之大者其責任亦大不可不思也某天
台之書生愚不足以知鬼神之故以所見者料之上帝不猶
人主乎君侯不猶守令乎今有守令受人主之爵祿而不治
民事又見小民之急而受其貨財酒食旣已得之而漫弗省
其所苦小民不赴而訴之則人主且察而誅之矣今當六月
而天不雨禾黍焦然欲死小民無所控語持牲醪禱乎君侯
之廟者相繼也君侯端坐而享之未嘗有所或拒又不告之
帝乞涓滴之水以潤下土在他人不悉生民之苦者猶不當

爾況君侯父母之邦乎君侯不能辭其責也審矣然而守令
若此則上有人察之下有人訴之上帝之憂閔下民豈有任
不職者而不怒其怒與否固不可知然而小民亦不訴者以
無所訴而遂止是小民至愚而不知禮也惟禮年穀不順成
變置其社稷土穀之主有功於萬世一不順成且得而變之
況君侯乎君侯不可自恃也明矣夫禮天之經也人奉天經
以行則猶天之爲也未見其不可也人謂神乃帝所命人不
得而變是不然帝無所私其好惡視乎人人的好也帝亦好
之人的惡也帝亦惡之向以此郡之人懷君侯之德故帝以
命君侯帝之命君侯者以君侯能澤一郡之民而知其利害
也今君侯有民而不恤受民之祀而不辭帝苟聞之責君侯
豈其難哉君侯若此非特此郡之人可廢君侯也君侯之厲

民不仁也受祀不義也以此二者有能率民數君侯而墟其廟廢其祀是天之所甚子也况君侯天下之偉男子以生民爲心之日久矣其忍視民之窮困而不救乎君侯其勿謂某不爲也某腰下有三尺劍欲爲四海除患救害每見民之憂苦輒作蛟龍鳴思擇其尤者而少試之君侯幸無忽倘三日不雨當先折君侯之廟投之於水恐君侯或蔽於左右近習而不知故先以告君侯其深念之無悔

覈咎賦

敷言而
今秉吾志以陳辭質尼父以爲理兮要子輿而無私爰抗志以邁往兮
火申以爲期匪道術吾弗懷兮匪聖哲吾弗師朝旣遊於貝闕兮夕又息乎瑤之圃睹珍瓊之溢目兮胡獨
猶豫而不取豈味惡乎斯類兮悲心淫於可

喜甯不美夫琛璧兮匹夫懷之而禍已策余馬乎會稽兮探神禹之秘穴悼道文之湮喪兮
之惟輟北吾濟乎大江兮抗呂梁之驚濤衝風擊以深濶兮虬螭號進咫尺其莫遂兮忽回薄如羽毛絳紱設而奚施兮慘恒沮以煩勞豈好遠而負重兮將宏毅以作聖苟斯道其可望兮雖瀕死吾何病朝一餐而忘味兮夕假寐而不安若芒刺之室吮兮旣決去而能言踵四瀆而東鶩兮挹山川之麗淑岱宗屹乎比屏兮竟與嶧其聯蠡兩觀芟其如塌兮欽明刑之震肅臨舍萌於杏壇兮胸佳植之森若蹟雖存而世久兮欲咨詢而未能魯周公其已衰兮文獻泯滅而誰徵倚壤垣而太息兮問吾生之已暮俾觀聖而友賢兮
豈不願乎此度嚼揭復乎盛時兮固宜冥趨而
步昔子輿之有言兮謂凡民乃有侯豪

傑蹇其時出兮微文玉猶興起余雖不及古之人兮幸賦予
之靡異帝既命之以至純兮親又迪之以遠志曰聖言具在
兮爛日炳而大示能潛心於求索兮敬典敬其致何有積
而不增兮孰云行而不至恭昭訓而自省兮震雷霆其若驚
從洋洋之江海兮蹈疑澌之始冰選微入於中流兮舟楫
而
兮執汝操之弭貞神安余以
大兮無
以為頗無矯矯以為直兮無營營以為阿詭而
弗卑兮正而弗亢無易合而難知兮有難近而可尙剛毅聖
之所取兮柔
彼務私而苟悅兮知其中之匪仁道
乃貴乎有名兮
所
處眾忌而莫辭兮同羣猜之
攸
懷斯言之不能忘兮
吾意之未堅始敬
而不怠兮

茲少
逢悠揚蛾眉之姣好兮眾女怨其殊特繫孤鳳
於雞鶩兮
與之競食屈媵麗於文辭兮黨人譖而放黜
賈正言而
兮椎魯惡而遠斥顛蹶道而則聖兮邪交
謗為鬼蜮
立言而輔經兮儉鄙訾其悖德自古昔而有然
兮矧菲薄之極愚彼設而坎弃兮情不顧而徑趨焉帖翼而
下搏兮孤雛以為
狼安尾而伏伺兮憤衝突以為侶禍恆
隱於不測兮謗恆發於不疑悼不智而受侮兮何彼人之足
尤覽先哲之好脩兮
微而不揚方進嚮
而其所為相
兮趙堯果代乎周昌語終而降拜兮美郭奉之善誘
縱賢
於同類兮夫豈足為師友以倒屣而見衆兮宏知栢之將貴
脩虛挹於周英兮曰非
敢
抱朗明之精誠兮又重之
以無
在此曹無損兮
其見如先後之胥接兮固代

謝之恆理擠俊而訕哲兮 而何恥繁人厥有之命兮

豈毀譽之能移諒勞心而何益兮 哀德兮毀

於人兮毀與皆可師譽 昔忠

人謂何兮明慤戚於細故神 不於兮

土前三秋而無始兮後百世而無終 起兮

蜉蝣與蟻蠓馴麒麟以駕輓兮繫 兮

元氣而凌鴻濛吾將視天 閔兮 責

於外物兮 期企乎多缺談

惟昊穹之元默兮備恆道以示日月煥其錯行兮紛布

展肆一呼而一吸兮為發育與擊斂羣物從而榮悴

兮陰陽其舒慘大莫踰於嶽瀆兮小莫至於昆蟲顯何遇

靜學齋賦

而弗 兮隱何感之弗通且深廣兮夫何術而能 極

靜靜乃動之根兮 五氣上臬行而妄動兮庶類之營

庶類之營化 其無成矧同人一心兮應外

觸乎糾紛匪澄明而靜一乃如絲而如棼 者聖師之無慮

猶日 潤指昊天以示人兮欲無言而默運猶賜之

善辨兮謂辨予謂未知顏氏顏氏如愚兮亟揚言其庶幾嘉

木訥之近仁兮佞之為 而潛思兮宏猷之在茲維

周氏後作兮與紹千載之遺統揭道與為圖書兮曰主靜以

制動何明者之通達兮瞽者從而遠之道昭昭其孔彰兮昧

者棄而材之得失兮恐利口之深詭雖榮盛而 切兮何

異 螻蟻余少志乎行道兮獨慕乎前脩有虞信莫京兮

餘可以為速標禮樂以為楫兮施仁義以為舟濟湯

之洪波兮冥斯民於樂耶忽有悔其不然兮知余台之未至
欲以靜而為學兮庶來者之可冀且潛心於冲漠兮夕重之
以乾乾攝眾眾而靡形兮中局湛其若淵交至而弗勞兮如
水涵而鏡受未至吾弗迎兮既往吾弗咎懷明德之在己兮
恥流俗之狂猥若默而正兮惡夫飾貌與多言示狙
猴以周禮兮競叫噪以固歎知我之無人兮嗟斯道之難
遇何朱氏之好修兮先之中情敢靜學之嘉名兮銘齋
居而服膺賢聖匪降自今脩道以立成尙慎終以弗怠庶
言之可徵多缺誤

憫知賦哀葉廷振

塊居幽而處獨兮藐昧陋而遭屯視冥苦而無覲兮聽曠
而無聞疲精思於編簡兮馳志慮於遺文悼往古之莫吾與

兮愧當今之莫吾親風吾秉茲媿志兮汕宇內而求友既
高采兮亦微容而寡受紛壤琦之豈無兮逞珍麗之叢
探驟而俄跨兮或始揚葩而遽朽焚芸芸之易逝兮莽悠悠
其何之恍晤言之猶新兮倏墓草之已滋睇昊天而太息兮
俯長川而增悲望斯人之不淑兮慨吾道之將微惟業之
靈霄兮美之子之挺秀質嶺醇篤敏兮父師申之以告詔博
載籍之淵粹兮騁俊力於文囿鉤羣言而交貫兮迴孤舉而
奏應薦書於辟雍兮再而再進卻曰吾慮道之未脩兮行
吾志之靡獲眾喧闐以銜鬻兮競攘竊而不忤苟得之以為
宜兮失怨悻而不釋快庸目之矇眊兮機詐陳而自賢蘇腐
標以為芳兮譽沉植而斥龍涎進龜實豆兮毀擣珍為穢膾
獻蒯臬以為領兮謂錦纈可苴履舞山雞以效祥兮威鳳羞

而羽既自欺以惑世兮世亦安之而不顧孰若子之誠一
兮於名而實富在往歲之孟春兮歛舒舒而來翔繩吾以
儀則

以文章醉稱觴
以孰寐兮
恭

眩惑矣

九州之廣大

兮固三代之疆何賢哲之寥兮不逮古之多士天既生
而偃之兮人莫窺其太始將忌能而嫉智兮天與人其同致
昔涿泗之啟聖兮異才森其並出大或優於造邦兮小猶易
夫千室使僅得其一二兮真是極斯世之遺失嗟呼不及古
之人兮又無友孰自律受形氣於大化兮知終盡之有期生
有益之為美兮何壽天之足議松柏薪於空山兮與朝菌又
何異生有樂而可恥兮死有厄而足貴吾曠觀乎宇宙兮等

萬古於一漚揆庶彙之消長兮審二氣之所由山有北而為
谷兮川有壅而為邱化昭明於腐兮鑠覆載而不少留彼天
地山川且有澌滅兮矧天人復誰重日佩美兮襲芳宛可
慕兮難忘竭逝去兮何為生不永兮使人悲庸多壽兮哲天
般兮誰究誰考遊太初兮返其真憑風靈兮挾星辰帝
視下兮察其仁異才降矣後復多缺誤

友筠軒賦

惟青青之玉立俯漪漪之軒構慰樂矣之幽情處蔚然之深
秀蒼雪灑乎涼颺綠陰蔽乎清晝春之時也暖律乍起和氣
方剛對穆穆之龍孫列斑斑之鴈行風節持以雅素體質直
而端莊其夏色也南薰解籟丹鳳來儀香馥纍纍而貝簇密
葉重重而翠圍笙簧弭乎節奏珮玉鳴乎參差眈佳麗以裝

雄據靜便而伏雌若一塵不到之際萬事脫羈之辰渭川致
平斯景黃崗寓乎此身風徐來而韶合雨初歇而香勻至若
色侵書帙涼溢芳樽日穿漏以喚金水環迴而嗽銀坐擁碧
筩之杯地敷翡翠之褥或彈棊而雅歌或解衣而脫巾或焚
香而啜茗或聯句而鼎真固平生以足樂雖百罰而弗醜越
若秋之與冬金氣肅兮萬水凋元冥降兮羣陰驍履霜兮冰
將至擁枯拉朽兮焉逃稟抗雪之英姿健凌雲之高標或強
董宣之項或折陶潛之腰或簇白雲之調或作重華之韶既
不婉以不麗亦弗矜而弗驕世上有玉堂之貴此豈無甕牖
之安乃緩步以當車復謝崇而慕閑彼將聽晨雞而拜楓陛
此獨咀明霞而扇柴關忘情於漢庭之寵避世於商陽之山
至於侶魚蝦而友麋鹿豈復對隆準而瞻龍顏采玉芝於蒼

烟之表洗兩耳於清溪之灣然而清則清矣未有得茲軒之
真樂者也辭曰清清兮歲寒之心溫溫兮琅琳之音君子居
之兮實獲我心正侯命兮履薄臨深君子處兮慨古傷今古
人汨汨兮誰爭子所疏一器兮酒一觴樂以忘憂兮歲月長
羌彼五陵豪富兮乃積乃倉朝重白璧兮莫手糝糠松花飯
兮荷葉衣贖兩耳兮遠是與非朝其遊兮莫而歸安得從子
兮其樂有餘

鄭氏四子加冠祝辭

浦陽義門鄭氏十世之長仲德父以禮冠其從子杓及諸孫
燧爚耀而以字爲屬余惟冠禮之不行也二千年矣舉曠古
久弛之禮而行之夫豈爲耳目之美哉亦曰以古君子成人
之道望乎子若孫爾上以古道望其身而不能以君子自望

謂之愛身不可也。余欲四子者爲君子，故因字以勉其德。杓之爲用，惟絲是理。字曰叔理，欲其精敏不懈，以周乎事。燧以吹火，民用是資。字曰允資，欲其致用於世而不爽於宜。爇爲光明，明不進乎上，則不能遠。字以允進，使進乎善。燿者輝之著，苟充其內，則其輝也益遐。而喇允充是字，俾篤實其中，而致其昭也。大余於四子，蓋各有望焉，不爲無意也。四子也，豈可不勉以違父師之志乎？祝辭曰：加爾元服，維茲令辰。匪飾其外，貴乎成人。昔未有知德，或未備人。曰童子宜有不至，旣戮爾弁，而童厥心。人謂之何責望也！深一言之善，終身行之。今字告汝，維名是徵。杓之爲器，絲用以理解，類析紛莫切乎。此以理字杓其義，孔章用之於身，旣要而詳天下。庶事紘綸舛錯如絲之棼，不可控索。急之則亂，緩之則艱，無爲則弛，有

爲則煩。曷以治之？其要甚寡，知要則爲優於天下。人心之明與天地參，何遠弗該？何微弗涵，養之以敬，以澄其內。制之於義，以應乎外。肫肫其誠，允烈其光。如揭日月，以燭四方。以理庶事，靡有滯失。孰能致然？大本旣立，由身而家，自家而推有以應物，何適非宜。曷以恭爾聖賢之事，勿謂難能。與汝不異。○生民所資，菽粟爲甚。苟微水火，曷以烹飪。火之爲用，與菽粟同。此儲古者用燧以寓政機，榆柞桑槐各資其時。字曰允資於義，其可望爾。致用比德於火，酒醴牲牢，或可暫違。一日匪燧，民實阻饑。凡此生民，孰資以立。蓋有君子進其不及，養之俾生，導之俾成。植其彝常，牖其天明。致用之功，與燧無異。何能濟物，是在材智。爾欲爲燧，惟德之脩，有以資民。民咸汝求，人之有心，孰不思善。惟其無學，所思不遠。學以爲本，篤行

培之仁居義途勿怠於爲政飭於家治比閭里暨躋於位惠
澤彌溥率履弗越斯謂允資貴成厥躬賢者自期○惟古有
訓冠爲禮始曷始於茲備服致美元端而祖人必尤之佩而
不冠則爽於儀致飾於外惟備之務盍思厥德宵有未具爾
生名胄有仇其門曷以永家在爾後昆爚爲爾名光明是勉
明不上進所及不遠字以允進以遠爲明匪字之美尙躬於
行日之方升其輝耿耿愈進而崇無物不炳譬諸爲善其始
甚微日進月升譽聞赫熹恆人之身望爲聖賢其功之難有
如升天進而向上靡有弗至謂吾豈敢斯爲自棄天賦明命
曷有不完久蔽而昏盍識其端人息以嬉獨奮於學學功旣
進乃亦有獲眾怯於善獨勇於爲善集於身進德之基勿怠
其易勿畏其難勿移於昏惑於人言日有孜孜惟道是信緝

熙于光明斯爲允進○古制名字以號其身匪欲務美以夸
於人後之命名取義甚備能思而行猶古之意爾名爲耀耀
爲輝光曷以字之允充孔臧惟天之運厥章爛然日月迭行
星辰照宣天胡致斯陽體充實積中旣久光華外溢地厚而
廣克配乎天實彌乎中至文發焉其在聖哲煥其有章秩秩
而陰煌煌而陽視於其身威儀甚都發爲辭令爲世大謨豈
欲其然外施厥美道德內充不能自止至足而流至美而發
雲蒸雨潤靡不暢達今爾何學稱茲嘉名苟能充之何德弗
成出言則思聖哲是效舉足則思前武是蹈於親而孝而弟
而兄自卑而尊無不敢承曰聖若茲我猶未及夫豈非人敢
不汲汲仁覆天下智周萬彙吾獨何爲而有未至知之使明
踐之使宏反求諸心使及於誠涵育旣深遵養旣美光耀旁

爛孰之能禦世不知道習陋安卑聞師古人不訕則疑慎勿
類斯勇往獨覺允擴充之匪聖焉學

釋思辭

翰林待制華川王公子充奉使雲南十年而未復其冢子綬
作思親之堂以寓其望慕之意而少子紳復爲賦以自閔其
志切其辭悲讀之可以流涕也夫父子之恩天性也豈有紀
極哉孰不樂乎孝養承事於安泰之時而不獲者命也命
非自我出者君子盡其所能爲而已矣其如天何哉余悼二
子之志推其故以釋之始發乎情而終歸諸命以冀其定焉
辭曰悵獨往兮何所天廣地遐兮道艱且阻鯨鱗據川兮陸
有兕虎蠻之人兮不可處君不歸兮將安與我思君兮我心
勞苦楓楮葉暗兮霧杳冥毒氣漲天兮蝮蛇又鳴蠻之人兮

鳥獸嘖嘖被髮兮保行血爲飲兮齒頰頰君之處兮誰爲朋
冠裳兮佩玉乘文駟兮蔭華屋俊彥兮汝從倡汝和兮往余
復愉樂兮恬康尊盛兮朗融曷不歸兮蠻夷之中彼豈汝悅
兮此甯不子容我思君兮意安窮翁翁兮俟俟汝閭兮汝里
食有黍稻飲有醴有豚兮有豸繳有鶉兮罔有鯉有子爲養
兮羞服溫旨望不還兮悲莫止崇堂兮邃室陳鼎兮肆几便
心兮佚體眉壽兮樂愷君胡爲兮去此我之思兮如水孰不
安兮故鄉逃獨處兮蠻荒謂誰兮使然皇有詔兮孔明天穹
兮在上命在人兮昭章貴我兮賤我疇能違兮天常旣知命
兮何悲聖不遇兮矢言居夷秉至美之在余胡不可兮懌怡
由余兮季札夷之產兮膺哲諒何所之無士兮道焉往而不
合菅蒯可以爲服草木實可以爲糧舍故鄉可無思兮皇之

恩不可忘恃聖明之大德兮終擴闢此殊方操吾節以來臨
分縱遲暮兮何傷

文會疏

伏以道術之分九流儒者實禮樂之宗主浙水之東七郡金
華乃文獻之淵林在天纏為婺女之墟於墳籍資賢人之聚
自宋南渡有呂東萊繼以何王金許真知實踐而承正學之
傳復生胡柳黃吳偉論雄辭以鳴當代之士遂使山海之域
居然鄒魯之風天實啟之世有作者惟我朝創業垂統之初
載得華川潛溪之兩公或以誠篤博大鎮朝廷或以忠節剛
方聞夷夏修九十三年之元史為首千億載之成書雖盛衰
榮辱所遇難齊而道德文章俱垂不朽繼其後者夫豈易哉
恭惟仲縉先生推其學則潛溪之門人論其家則華川之愛

子耳濡目染於斯道斯文之懿不出於戶庭而得之心解力
行於厥父厥師之傳能紹其箕裘之業矣是以名播萬里來
觀王國之光經授諸生聿佐郡庠之教夫成都自文翁興學
不乏揚馬三蘇之才況賢王尚文已成周召二南之政教化
行而風俗美固曰本於人君師道立而善人多是所望於吾
子尙念醇熙乾道之大統皆振民育德之宏規夫何近代以
來徒爲謀利之具慨想一時之羣彥鮮不隨波而逐流苟非
振古之英賢孰克任重而道遠本六經而敷五教慎無負於
孔孟在天之靈備九德而配八元庶有待於唐虞致君之士
謹疏

建祖祠移族八疏

舉觴而酌先酒蓋思麴蘖之初秉耒必祀神農尙推粒食之

始況夫人之眇質皆先祖之遺休堂構積累世之勞疆畛百
無窮之利儻食焉而不察反二者之不如是以宗廟爲先者
諸經禮有田則祭具列聖謨苟存仁義之心敢忽祖宗之祀
余家爰自前宋以至於今上下三百餘年繼承一十五世雖
絕續盛衰之互見而東西前後之分宗凡此比屋之人孰非
初祖之允然支分派別本源既遠而益疎世易人亡祠祭僅
存而無統或苟簡而不循乎禮或怠惰而不當乎時孟飯盃
羹曷寓如存之敬桑樞甕牖莫棲來格之神茲欲創建新祠
合祀羣祖四時仲月有田者各伸報本之誠一姓亡親無後
者咸享祔食之祭明同祖之同體嚴事死如事生上以萃高
曾祖考之靈下以洽兄弟子姪之志燕毛序齒佇觀睦族之
歡鳩財僦工請盡奉先之道在我宗屬各單厥衷無或乖違

以忝吾祖

方正學先生遜志齋集卷之八終 後學其縣張朝綱謹校

方正學先生遜志齋集卷之九

南京操江都御史嘉善丁賓 南京翰林院孔目仁和錢養庶 全校

南京鴻臚寺卿歸安錢士亮 南京禮部司務仁和羅大冠

南京掌翰林院諭德餘姚孫如游訂正 後學 上元姚履旋參閱

十九世裔孫方永祥重刊

表箋 啓書

代董學士表

嘉議大夫禮部侍郎兼翰林院學士臣董倫伏以七月十三日手詔賜臣御書怡老堂三大字及髹漆几玉鳩杖各二者臣誠惶誠恐稽首頓首伏言

聖慈軫念特降殊恩間里傳觀欣逢盛典誠千齡之奇遇豈一已之私榮伏念臣素無閱閱功勞兼乏智能才藝徒知篤